



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita P. Ignatii Loiolae, Qui religionem Clericorum Societatis Iesv instituit

**Ribadeneyra, Pedro de
Coloniæ Agrippinæ, 1602**

Varijs locis Collegia instituuntur. X.

urn:nbn:de:hbz:466:1-45323

dinalis deligebatur, qui ad patrocini-
um eius operis suscipiendū, videretur
aptissimus. Cōstituta deinde Sodalita-
te, sancitis legibus, totius gubernatio-
nis ordinē, rationeq; præscripta: cum
iam suam operam minus esse necessa-
riam intelligeret, vigiliam suam alijs
tradebat Ignatius, seque sensim ad alia
æquē vtilia inchoanda conuertebat.
Neque enim otiosa esse illius chari-
tas poterat, sed semper nouū aliquid
meditabatur, hominibus salutare.

VARIIS LOCIS COLLEGIÆ
instituantur.

CAPVT. X.

DVm hæc Romæ Ignatius ageret,
totus in Dei gloriam intētus, De-
us eius gerebat curam, & res Societa-
tis propagabat, mouebatq; hominum
animos, nostrorum Patrum integrita-
te, ac charitatis studio excitatos, vte-
os aut expeterent beneuolē, aut accer-
sitos studiosē retinerent, & apud se
certis in sedibus collocarent. Et quam-
uis omnibus, qui petebant, satisfieri,
in tanta nostrorum paucitate non
poterat: conabatur tamen Ignatius
Dei gratiā non negligere, sed eos ipsos
quos

quos habebat, in ea loca dispergere ac distribuere, in quibus vel propter ipsorum locorum opportunitatem ac naturam, vel propter civium ingenium, & in nostros benevolentiam, uberioribus fructibus sperabantur. Cum igitur Hieronymus Domenecus, civis Valentinus, non solum se (quod multo antea fecerat) sed sua omnia etiam Societati consecraret, & Collegium ex suis redditibus Valentiae inchoare statuisset, Ignatius illius civitatis amplitudinem & nobilitatem, ac Gymnasij celebritatem secum reputans, & vicinorum oppidorum ac pagorum copiam, ad quos excursiones facere nostri possent, & apud illos utiliter aliquando versari, Iacobum Mironum (qui Lutetia Parisiorum, anno 1541. Conimbricam venerat, & eius Civitatis Collegio aliquandiu praefuerat) aliosque nonnullos anno 1544. Valentiam destinavit, ut Valentini Collegij ponerent fundamenta. Quod illi quidem fideliter praestiterunt. Anno vero 1545. diplomate à summo Pontifice impetrato, certis redditibus constitutum est Collegium illud, quod & copioso optimorum iuvenum in Societatem ingrediendum prout, & ipsorum civium fructibus,

fructu, hactenus Dei beniguitate semper floruit. Eodem tempore Petrus Faber, & Antonius Araoz, in comitatu Mariæ, Ioannis III. Lusitaniæ Regis filiaë (quæ Philippo Hispaniarum Principi nupserat) Regis iussu, ex Lusitania in Castellam profecti sunt : & Pinciaë commorantes, eius Collegij prima fundamenta iecerunt. Quod initio quidem tenue ac perangustum, ita postea amplificatum est, ut propter eius oppidi magnitudinem ac frequentiam, & eos qui percipiuntur fructus, ad Collegiũ domus etiam Professorũ addita sit. Sed etiam in oppido Gandiaë, Valentiaë vicino, soli amoenitate præstanti, hoc ipso tempore Collegium nobis inchoatum est: quod ei oppidi Dux, D. Franciscus Borgia, eximia Societatis opinione, ac benevolentia incitatus, à fundamentis erexit, & idoneo loco, & ad populi commoditatem, & domesticam nostrorum quietem, ac relaxationem peropportuno, perpetuis fructibus stabilivit, temploque exornavit. Missique sunt Roma ab Ignatio anno 1545. ex nostris quinque, qui cū alijs in Hispania se coniungerent, & primi Gandiense Collegium habitarent.